

修武縣志卷之七

祠祀

祠祀者先王所以崇德而報功也凡山川百神能禦災捍患澤及一方以及先賢往哲孝子忠臣皆以時祭饗明則有禮樂幽則有鬼神不綦重歟非是則爲淫祀淫祀無福乃今者琳宮梵宇且遍宇內誣世惑民莫此爲甚然有其舉之莫敢廢焉故擇其尤者附綴於後

先農壇在縣東南一里許正宇三間配房東西各一間神倉一間大門一座東西角門各一座雍正五年知縣陳綱奉

旨建

社稷壇在城西北

風雲雷雨山川壇在城西南

邑厲壇在城北

城隍廟在東門裏縣東順治十二年燬於火重修歷五年方告成

龍王廟一在縣東一在溫峪至元二十九年建

濟瀆廟在西門裏

火神廟一在東門外一在新店

八蜡廟在東關

湯王廟在西關

關帝廟一在譙樓北知縣趙可學建一在西門內
雍正元年奉

旨追封侯三代爲公爵知縣陳綱建祠於西門廟後
衙神廟在寅賓館東

馬神廟在南門內

修武縣志

卷之七

祠祀

二

問禮廟在孔庄

文昌閣在東門外郡判署縣事陳芳猷建

東嶽廟一在南門外一在耿邨

西嶽廟在待王鎮

韓文公廟在東門外

韓湘子祠在南陽

神農廟在經理邨有五谷臺

三清廟在西關

天官廟在孔庄

三無私廟在孔村元至正四年建

漢獻帝廟在縣北古漢村

元帝廟一在北門外一在太行山北頂

玉帝廟在城東北

三官廟在東關

二仙廟在承恩鎮

楊生祠在苟泉陂

勝果寺在南門裏紹聖中建明洪武初修景泰七年重修

修武縣志

卷之七

祠祀

三

崇明寺在百家巖創於高齊稠禪師益大之元至

元中重修寺北有石室

靈泉寺在苟泉陂西半里許

圓覺寺在王楮

六真祠在六真山元時六真人邱劉譚王郝馬講道之所後人立祠祀之

雙僊閣在西門外知縣張明遠建

清真觀在縣北二十里有邱長春書劉海蟾入道歌石刻見明李濂寧邑記

興勝菴在東後街

韓文公祠在南陽城

修武縣志

卷之七

祠祀

四

陵墓

昔人過墟而生哀非必情有所種也蓋生存華屋零落山邱遼鶴不歸九原難作人非草木能弗悲哉况斷碣殘碑往往鞠為茂艸秋風石馬孰知誰氏之壟乎

殷

商塚在縣東二里舊志武王伐商其子孫有來歸而死者葬於此

漢

獻帝陵在古漢山右

後漢

范式墓在山陽城後

見雜識

晉

習鑿齒墓在縣西南延陵村

見雜識

唐

衛審符墓在孔庄有碑

宋

蘇立墓在魏村東有碑

元

李天佑墓在義門村

遼魯曾墓在承恩鎮北有碑

薛澍墓在郇封村有碑

明

崔謙墓在府城村有碑今無

崔讓墓在府城村有碑今無

劉幹墓在府城村有碑今無

王鐸墓在府城村有碑

修武縣志

卷之七

陵墓

六

王懋墓在府城村有碑

王愈墓在府城村有碑

王璠墓在府城村有碑

韓俊墓在苟村

韓儼墓在苟村

張圯墓在東村

趙銳墓在縣西北隅有碑

閔裕墓在孟村

崔鏞墓在田門村